

Տ Ա Ր Ե Կ Ա Ն Հ Ա Շ Ի Ի

Սևաստոպոլսի մասի Շրվենանց գիւղի Հ. Եկ. Մի.
Երկդասեան երկսեռ ԵՊ. Յ. Տէր-Մարգարեան»
դպրոցի 19¹⁴/₁₅ ամի:

Իւրաքանչիւր ազգի յարատևութիւնն ու բարգաւա-
նումը կախուած է նրա կրթութեան աստիճանից և իդէա-
լական, բարոյական ձգտումներից:

Հայ ազգը ի քնէ ուսումնասէր՝ և յառաջագէտ դադա-
փարների ընդօրինակող լինելով՝ առաջ է ընթացել ժա-
մանակի հետ, թաղել է իրեն հասակակից շատ ազգերի
— բարեւոյցիներին, ասորիներին, պարթևներին և այլն —
ապրել է և շարունակում է ապրել իրրե կուլտուրական
մի ցեղ, որ և այսօր քաղաքակիրթ ազգերի ուշադրու-
թեան և կարեկցութեան առարկան է դարձած:

Դպրոցը ազգի գոյութեան պատւանդանն է:

Մեր հայրենիքի նկատմամբ այդ կարևոր ֆակտորի
նշանակութիւնն ամենից վաղ զգացել և ըմբռնել է մեր
հայրենակից պ. Գաապար Տէր-Մարգարեանը, որ իւր
ծննդավայր Շրվենանց գիւղում կառուցանելով այս լու-
սոյ տաճարը և նւիրելով նորաշէնու հասարակութեան, 13
ձիգ տարիների ընթացքում իւր ուսերի վրայ առած բոլոր
ծախքերը, լոյս է սփռել մեր մատաղ սերնդի մէջ:

Պ. Գաապար Տէր-Մարգարեանը 1903 թւին հիմնելով
այս դպրոցը իրօք հանդիսանում է Ղափանի մտաւոր վե-
րածնութեան նախակարապետը:

Շրվենանցի դպրոցն այսօր բոլորում է իւր գոյու-
թեան 13 ամեակը:

Ասել է թէ նա 13 տարի անընդհատ լուսաւորել է
իւր շուրջը, հետզհետէ վանելով այն թանձր խաւարը, ու-
րով պատած էր մեր հայրենիք՝ չքնաղ Ղափանը, որի մէջ
խարխափում էին մեր հայրենակիցները:

Ներկայ ուսումնական տարին՝ դպրոցի նորոգութեան պատճառով սկսել է սովորականից ուշ՝ սեպտեմբերի 15-ին և վերջացել է մայիսի 24-ին:

Աշակերտաց թիւը Տարւայ սկզբին եղել են 132 աշակերտ, 29 աշակերտուհի, ընդամենն 161 հոգի: Հետզհետէ պակասելով՝ տարեվերջին մնացել են 105 տղայ, 26 աղջիկ, ընդամենն 131 հոգի:

Ուսումնական տարում պարապմունք եղել է 167 օր — 811 ժամ:

Մանկավարժական ժողովներ. Տարւայ ընթացքում մանկավարժական ժողովներ գումարուել են 20 անգամ, որոնց նիւթն էր աշակերտների ընդունելութեան և յառաջադիմութեան ու վարքի վերաբերեալ խնդիրներ: Մանկավարժական խորհուրդը մի շարք միջոցներ է ձեռնարկել՝ վերջ տալ աշակերտաց անկարգութեանն ու վատ սովորութիւններին, որոնք, անշուշտ, հետեանք են ընտանիքում տիրող կարգ ու կանոնի — այն է յիշոցներ, մարմնի ու հազուսաի անմաքրութիւն, դասերից յաճախ բացակայելը և այլն և այլն: Այս շարիքներին վերջ տալու նպատակով ուսուցչական խումբը աշնանն այցելել է Նորաշէն, Խլաթաղ և Վ. Խոտանան գիւղերը, ուր ծնողական ժողովներ գումարելով խօսել և բացատրել է ծնողների և խնամակալների պարտականութեանց մասին: Նախորդ տարիների ցուցակներն աչքի անցնելով՝ կարծես որոշ ազդեցութիւն ունեցել են ձեռնարկած միջոցները, սակայն վարչութիւնս դո՛ւ մնալ չի կարող եղած դրութեամբ, որովհետեւ մեր անպարտաճանաչ ծնողները դեռ ևս շարունակում են շահագործել իրենց զաւակներին, յետ քաշելով դպրոցից՝ տնային և դաշտային աշխատանքներին ծառայացնելու նպատակով:

Ասածներիս պերճախօս վկայ են հետեւեալ թւերը, որ քաղւած են դաստիարակների ուշի-ուշով կազմած ցուցակներից: Դպրոցի 131 աշակերտներից կանոնաւոր յաճախել են միայն 14 հոգի, իսկ մնացեալ 117 հոգին բացակայել են 8179 ժամ: Հարկ չկայ բացատրելու, թէ

ինչ վատ ազդեցութիւն կունենայ այդ դրութիւնը դպրոցի յառաջագիմութեան վրայ: Աւելացրէք և այն, որ Գ. և Ն. բաժանմունքները միացեալ են, իսկ միացեալ բաժանմունքների բացասական կողմը՝ արդիւնքի տեսակէտից ակներե է, պատկերը պարզ կլինի: Սիրում ենք հաւատալ, որ բարեպատեն ժամանակ, երբ Ն. բաժանման աշակերտների թիւն էլ կաւելանայ, մեծարգոյ բարերարը կգատէ և հինգերորդը:

Համդէսներ. Սեպտեմբերի 14-ին ուսուցչական և հոգաբարձական կազմերի, աշակերտ-աշակերտուհիների և շրջակայ գիւղերից ժողոված ծնողների ներկայութեամբ Ե. պատարագից յետոյ հողեհանդիստ կատարւեց դպրոցի բարերարի ծնողաց շիրիմների վրայ, որից յետոյ դպրոցի գահիճում խօսք եղաւ ուսման նշանակութեան և ծնողաց պարտականութեանց մասին: Նոյեմբերի 16-ին և յունւարի 29 կազմւեցին գրական-երաժշտական ցերեկոյթներ ներկայութեամբ բոլոր աշակերտների և ծնողների, ուր ամեն ուսանուհիներ արտասանում էին սրանուորներ, իսկ երգեցիկ խումբը երգում էր սօլօ և խմբական երգեր:

Մայիսի 9-ին և 11-ին դպրոցի գահիճում, նահանգապետի թոյլտւութեամբ, կայացաւ ներկայացում և գրական-երաժշտական երեկոյթ յօգուտ հայ փախստականների: Առաջինում ներկայ էին միայն ծնողները և շրջակայ գիւղերից հիւրեր, որոնք նւիրեցին 9 ռուբ. 35 կոպ., իսկ երկրորդին՝ հանքերից և շրջակայ գիւղերից յատուկ հրաւիրւած մարդիկ, որոնք նւիրեցին 240 ռուբլի: Մախքը դուրս գալով գուտ արդիւնքը 123 ռ. 14 կոպ. ուղարկւեց Ս. էջմիածնի եղբայրական Օգնութեան կամիտէին՝ գործադրելու իւր նպատակին:

Տաճկահայ եղբայրներին օգնութեան համակու կոչւերը մեզ ևս հասան: 1) Դպրոցիս աշակերտութիւնը այդ նպատակով հանգանակեց 10 ռուբ. 50. կոպ. և ուղարկեց «Հորիզոնի» խմբագրութեան ըստ պատկանելոյն հասցնելու: 2) Ուսուցիչներն արձագանք ատլով Երևանի Փօխութեմակալ տ. Խորէն եպիսկոպոսի կոչին սիրայօժար կեր-

պով նւիրեցին իրենց ոսճկի 2⁰ 6^ր 45 րուք, 80 կոպ., որն երկու նւադում ուղարկուեց Երևան նորին Սրբազնութեանը ուսուցիչների անունից վիրաւոր զինւորների համար մանճակալ պահելու:

Երզնցիկ խումբ. Գալրոցիս երզնցիկ խումբը, որ բաղկացած էր 25 սան ու սանուհիներից պ. Ս. Ղազարեանի ղեկավարութեամբ երկձայն երգերով շուք էր տալիս հանդէմներին, իսկ պատարագի արարողութիւնը միաձայն երգելով Շրվենանցի, Նորաշէնի և Վ. Յոստանանի եկեղեցիներում, գրուել է ժողովրդի հոծ բազմութիւն, պատճառելով նրանց հոգեկան հաճոյք:

Դասադրքերի և դասական պիտոյքների վաճառումից դոյացած արգիւնքը՝ պ. Հայր. Ղազարեանի միջոցով ստացւած է 64 ր. 50 կ., իսկ այդ գումարով գնւած են ցուցակներ, մատեաններ, անդորրագրեր, տեղեկագրեր, վկայագրեր և կանոններ աշակերտաց համար: Միով բանիւ այդ գումարով հոգացւած է ընթացիկ ուսումնական տարւոյ նախահաշւի մէջ մտած «գիւննական ծախք» կէտը:

Գրադարան. Գալրոցը իւր անւանը վայել դրադարան չունի: Կանոնաւոր գործավարութիւն չունենալու պատճառով անցեալի մասին որ և է գաղափար կազմելը դժուար է, սակայն գալրոցին մօտիկ իրազեկ մարդիկ պնդում են՝ թէ դրադարանն ունեցել է արժէքաւոր մանկավարժական և մանկական գրքեր՝ հայ և ռուս լեզուներով, որոնք անհոգ վերարեւմուծքի շնորհիւ հեազհետէ անհետացել են: Ի դէպ՝ 13 ամեայ գալրոցի գործերից երևում է, որ միայն անցեալ 1913—14 ուս. տարւոյն վերջումն է կազմած գալրոցապատկան գրքերի և ինվենտարի ցուցակը և այն էլ առանց յանձնողական ու ստացողական գործողութեան, առանց ստորագրութիւնների: Ազգայն Վարչութեանն է մնում լրացնել այդ խոշոր պակասը, տալ գալրոցին համապատասխան մի դրադարան, որից օգտւել կարողանային և ուսուցիչները և աշակերտները:

Աղքատախնամ ընկերութիւն. Գալրոցիս աշակերտու-

թեան 60⁰/₁₀-ը ծայրայեղ չքաւոր ծնողների դասակներ են, որոնք շատ դժուարութեամբ են ձեռք բերում դասական պիտոյքները, իսկ հագուստ անւան տակ նրանք ծածկուած են իրենց մերկութիւնը ցնցոտիներով: Այս շարքի առաջն առնելու և անօգնական երեխայոց, թշւառութիւնը մասամբ ամօքելու նպատակով դպրոցի ուսուցչական և հոգարար-ձական խառն ժողովը անցեալ դեկտեմբերի 8-ին որոշում է կայացնում՝ ի յիշատակ փաղաթառում տ. Աննա Տէր Մի-նասեանի հիմեկ մի փարչական մարմին, — «Շրվենանցի դպրոցի չքաւոր աշակերտներին նպատառող ազրատախնամ յանձնաժողով» անունով, որի նպատակն է լինելու միջոց-ները ներածին շտիով մատակարարել յառաջագէտ սան-տ ասնուհիներին դասական պիտոյք, հագուստ և թոշակա-դրամ: Ընկերութեան միջոցները հայթայթելու են կամաւ-ւոր նւէրներից, երեկոյթներից և ներկայացումներից:

Ապատարանի խնդիր՝ դպրոցիս աշակերտութիւնը յանախում է հետեւեալ դիւղերից.

	վերս	սամեկ
1. Շրվենանց՝ որ հետու է դպրոցից	»	100
2. Վերին Ստանան՝ » »	4	»
3. Ներքին Ստանան՝ » »	2	250
4. Խլաթաղ՝ » »	4	25
5. Առաջածոր՝ » »	4	»
6. Նորաշէն՝ » »	3	»

Կան նաեւ ուրիշ շրջաններից՝ Դ և Ե բաժանմունքները մտած աշակերտներ, որոնք ապրում են վերայիշեալ դիւ-ղերում: Ըստ իս մեր դպրոցը՝ այս պայմանների մէջ իբրեւ կենդրոնական՝ պէտք է ունենայ ազատտան դիշերօթիկ-ներ պահելու համար: Երթեկ աշակերտներից շատերը, մանաւանդ աւելի հեռաւորները կարող կը լինեն ամսական 8 րուք վճարել և ստանալ առաւօտ երեկոյ թէյ, նախաճաշ, ճաշ և ընթրիք: Ապատարանի համար շատ յարմար է դրպ-րոցի ստորին յարկում դանւող դահլիճը, որ խոնաւութիւ-նից բոլորովին ազատ 13 արշին երկարութիւն, 8¹/₂ արշին լայնութիւն և 5 արշին բարձրութիւն ունի՝ առատ լուսով:

Դպրոցի այդ մասը, որ ծառայում է իբրև մթերանոց, կարելի է կարգի բերել և յատկացնել ապաստարանի, ուր կտեղաւորւեն 30-ի շափ աշակերտներ:

1914 թւին ընդունածս դպրոցի շէնքը մատնւած էր խիստ անուշադրութեան՝ սուադները թափւած, դռները խարխուլ՝ առանց փականների, առանց բակի ու ցանկապատի, մի խօսքով այժերի և անասունների հանգստատեղի էր: Մեծարդոյ բարերարն ու հոգաբարձուք ընդառաջ դալով իմ խնդրին՝ հիմնական նորոգութեան ենթարկեցին, որ վերջացաւ սեպտեմբերի 12-ին:

Դպրոցը 1914—15 ուս. տարւոյ մէջ մօտաւ է ունեցել թոշակադրամ աշակերտներից 412—50 կող., ու. Գասպար Տէր Մարգարեանից նպաստ 2300 ա. ռոճիկ ուսուցչաց: Իսկ 401—24 կ. էլ դպրոցի նորոգութեան, ծախք եղել է 3551 ա. 57:

Աւագ ուսուցիչ՝

Գ. Տէր Մինասեան.

Տ Ե Ղ Ե Կ Ա Պ Ի Ր

Մեղու վեցամեայ Ծխական Դպրոցի 19¹⁵/₁₆ ուս. տարւոյ.

Մեղրու դպրոցն այս տարի բոլորեց իր 35 ամեակը, մի ժամանակամիջոց, որը պատուարեր է ծխական դպրոցի համար: Այդ ամբողջ ժամանակամիջոցում հետզհետէ յառաջադիմել է և չէ մնացել հնութեան գրկում: Հասարակութիւնը և վարչութիւնը իրենց ուժերի ներածին շափ ամեն կերպ նպաստել են բարձրացնել դպրոցի անտեսական և թէ՛ յառաջադիմութեան ընդհանուր մակարդակը:

Դեռ անցեալ ուսումնական տարուայ վերջում միտք էր առաջացել տօնել դպրոցի յօրելեանը, սակայն ներկայիս աղէտներով լի ժամանակներում այդ միտքն իրականացնելն անհնարին եղաւ: Զնայած այն հանգամանքին, որ ներկայ ժամանակի տարտամ դրութեան շնորհիւ շատ տեղերում դպրոցները փակեցին, կրճատուեցին նրանց նախահաշիւ-